

**Inissianik attartorneq pillugu Inatsisartut peqqussutaata allanngortinneqarneranik
Inatsisartut peqqussutissaattut siunnersuut**

pillugu

Inatsisartut Attaveqarnermut Pilersuinernullu aamma Ineqarnermut Ataatsimiititaliaata

ISUMALIUTISSIISUTAA

Siunnersuutip aappassaaneerreqarnerani saqqummiunneqartoq

Inatsisartut Attaveqarnermut Pilersuinernullu aamma Ineqarnermut Ataatsimiititaliaat suliarinninnermini ukuninnga inuttaqarpoq:

Inatsisartuni ilaasortaq Lars Sørensen, IA, siulittaasoq
Inatsisartuni ilaasortaq Per Rosing-Petersen, Siumut
Inatsisartuni ilaasortaq Peter Grønvold Samuelsen, sinniisussaq, Siumut
Inatsisartuni ilaasortaq Godmand Rasmussen, Atassut
Inatsisartuni ilaasortaq Mogens Kleist, Kattusseqatigiit

UKA 2001-imi siullermeerinerup kingorna Inatsisartut Attaveqarnermut Pilersuinernullu aamma Ineqarnermut Ataatsimiititaliaata siunnersuut nassuiaatitai ilanngullugit misissorpaa.

Tusarniaaneq

Siunnersuut tusarniaassutigineqarsimanngilaq, tamannalu ataatsimiititaliamit isorinartoqartinneqarpoq. Taamaattumik aalajangersagaq nutaaq tunngavigalugu nalunaarusiortoqarpat, nalunaarutit atortuulersinneqannginneranni kommuninut, Namminersorerullit Oqartussanut, INI A/S-imut aamma ineqartut peqatigiiffiinut tusarniaassutigineqarnissaat ataatsimiititaliamit kaammattuutigineqassaaq.

Siunnersuutip imarisai

Namminersorerullutik Oqartussat kommuunillu inissiaataasa attartortittakkat aquneqarnissaat ingerlanneqarnissaallu pillugit erseqqinnerusumik malittarisassiornissamut Naalakkersuisut piginnaatinneqarput, tassunga ilanngullugit aqutsineranut akileeqaataassutsip immikkoortiterneqarnissaa aamma akileeqaataassutinut akiliutinullu avinneqarnissaa, aningaasaatit aquneqarnissaat, aningaasatigut siumut missingersuusiortarnissaq, naatsorsuutiniq saqqummiussisarnissaq kukkundersiuisarnissarlu.

Piginnaatitsissuteqarnikkut ineqarfiit immikkoortorta qarfiisa akiviit tunngavigalugit namminneq missingersuusiorsinnaanissaannik qulakkeerinnittunik malittarisassiorsinnaanissaq periarfissinneqarpoq. Missingersuutit taamaattut ineqarnermut tapiissutit pillugit aaqqissuussinermut nutaamut atugassanik ineqarnermut akiliutit pillugit paasissutissanik tutsuiginartunik suliaqarnissami tunngaviliisuussapput. Aammattaaq ineqarfiit immikkoortorta qarfiisa naatsorsuutaasa naammattumik kukkunersiuiiffigineqartarnissaat siunnersuutikkut qulakkeerneqassaaq.

Inissiat nunatsinni sumiikkaluarpataluunniit missingersuusiornermut naatsorsuutinillu tunniussisarnermut ersarissumik assigiissaakkamillu periuseqarnissaq ataatsimiititaliamit pingaartutut isigineqarpoq.

Taamaattumik ataatsimiititaliami amerlanerussuteqartut, tassaasut Siumup, IA-p aamma Atassutip ilaasortaatitaasa, inissianik attartorneq pillugu Inatsisartut peqqussutaata allangortinneqarneranik Inatsisartut peqqussutissaattut siunnersuutip akuersissutigineqarnissaa inassutigaat.

Ikinnerussuteqartup, tassaasup Kattusseqatigiit ilaasortaatitaata, oqaatigaa inissianut tunngasumik nutarterinerup aningaasatigut kingunerisassai akuersaarneqarsinnaanngitsut, taamaattumillu siunnersuutip itigartitsissutigineqarnissa inassutigalugu.

Taama oqaaseqarluni Inatsisartut Attaveqarnermut Pilersuinernullu aamma Ineqarnermut Ataatsimiititaliaata siunnersuut aappassaaniigassanngortippaa.

Lars Sørensen, Formand

Per Rosing-Petersen

Godman Rasmussen

Peter Grønvold Samuelson
sinniisussaq

Mogens Kleist